



册府元龜
卷之百九十七
至九



13
849
68



門 4 3
849
68



冊府元龜

淮南李嗣京參閱

西極文翔鳳訂正

豫章黃國琦較釋

閏位部

宴會 五慶賜軍納貢獻會

朝會

朝會者禮之經也嬴秦罷候守不越境歲時班制又

匪經見吳蜀而下時時間作事之細者史或失傳至

於聲名文物表著明數存諸類例此不復陳沿革在

冊府元龜 閏位部

斯粗可綱舉儷於大國誠則多慙若彼一隅斯亦爲政云爾

吳景帝永安元年十二月戊辰臘百僚朝賀

宋文帝元嘉三年正月乙亥朔會群臣於大極前殿明帝泰始二年正月巳丑朔以軍事不朝會

南齊武帝永明六年十月庚申立冬初臨太極殿讀時令

梁太祖開平元年十月癸酉御史司憲薛珪奏請文武百官仍舊朝參先是帝欲親征北虜命朝臣先赴雒都至是緩其期乃允所奏宰臣請每月初八閣

望日延英聽政永爲嘗式

二年正月癸酉帝御金祥殿受宰臣文武百官及諸藩屏陪臣稱賀諸道貢舉一百五十七人見于崇元門

三年正月戊辰朔帝御金祥殿受宰臣翰林學士稱賀文武百官拜表於東上閣門

八月甲午勅朕以干戈尚熾華夏未寧宜循卑菲之言用致雍熙之化起八月一日嘗朝不御金鑾崇勳兩殿只於便殿聽政

四年正月壬辰朔帝御朝元殿受百官稱賀用禮樂

也
十一月己亥日南至帝被袞冕御朝元殿列細仗奏樂於庭群臣稱賀

五年二月丙辰朔帝御文明殿群臣入閣

乾化元年九月辛巳朔帝御文明殿群臣入閣刑法待制官各奏事

十月乙未帝御朝元門以回鶻吐蕃二大國首領入覲故也

宴會

元王制合宴之禮著序賓之訓所以申飲賜之嘉好

勸羣臣之盡心詩之鹿鳴湛露所爲作也自嬴秦割蜀以迄江左魏齊傳禪逮于宋梁曷常不乘時展豫置酒高會或歷覽故邑或翱翔池樂班觴於講禮之隙宿設於考室之際因嘉慶以合飲議勲賞而合爵征行所次慰勞攸及於是厚陪鼎之數舉酬獎之制賦詩以導其意既醉以畢其歡皆以考經義而稽古推慈惠而逮下者也

秦如皇三十四年置酒咸陽宮博士七十人前爲壽蜀先主初入蜀於涪大會置酒作樂

吳大帝初爲吳王歡宴之末自起行酒又嘗大會群

臣後蜀使至羣臣並會 嘗於武昌臨釣臺飲酒又嘗宴飲於船樓也

後主每饗宴無不竟日
宋文帝元嘉四年三月宴丹徒宮帝鄉父老咸與焉
二十六年宴于丹徒宮

南齊太祖建元元年九月戊申幸宣武堂宴會詔諸
王公以下賦詩

二年三月己亥幸樂遊苑宴會王公以下賦詩
武帝永明二年七月詔曰夫樂所自生先哲垂誥禮
不忘本積代同風是以漢明遲回於南陽魏文殷勤
於譙國青溪宮體天含輝則地栖寶光定靈源允集

符命在昔期運初開經綸方遠繕築之勞我則未暇
時流事往永惟嗟咽朕以寡薄嗣奉鴻基思存締構
式表王迹考星創制揆日興功子來告畢規模昭備
宜申宴樂之禮以暢感慰之懷可尅日小會八月丙
午車駕幸舊宮小會設金石樂在位者賦詩
四年正月以籍田禮畢幸閱武堂勞酒小會詔賜王
公以下在位者帛有差
五年正月戊子幸芳林園襍飲戊申車駕幸芳林園
宴
九月詔九日出商飈館登高宴群臣辛卯車駕幸商

鷺館是館帝所立在孫陵崗世呼爲九日臺
十二月戊子太子長子鬱林王昭業冠于東宮崇政
殿其日小會賜王公以下帛各有差
東昏侯永元二年六月庚寅車駕於樂遊苑內會如
三元京邑女人放觀
和帝中興元年五月車駕幸竹林寺禪房宴群臣
梁高祖大同十年三月庚戌幸廻賓亭宴帝鄉故老
及所經近縣奉迎候者少長數千人各賞錢二千
大清元年五月丁酉輿駕幸德陽堂宴群臣設絲竹
樂

陳高祖永定二年十二月太極殿東堂宴群臣設入
石之樂以路寢告成也

宣帝大建七年閏九月甘露降樂遊苑丁未車駕幸
樂遊苑採甘露宴群臣詔於苑龍舟山立甘露亭
八年四月甲寅詔曰元戎凱旋群師振旅旌功策賞
宜有饗宴今月十七日幸樂遊苑設絲竹之樂大會
文武

後主至德元年十二月辛丑釋奠于先師禮畢設金
石之樂會王公卿士
四年九月甲午輿駕幸玄武湖肆艦艦閱武宴群臣

賦詩

東魏孝靜帝天平三年正月癸卯朔饗群臣於前殿
北齊文宣帝天保元年七月詔曰古人鹿皮爲衣書
囊成帳有懷盛德風流可想其魏朝御府所有珠奇
雜綵嘗所不給人者徒爲畜積宜命悉出送內後園
以供七日宴賜

九年十一月登三臺御乾象殿宴群臣並命賦詩
梁太祖開平元年五月丙申御玄德殿宴稿諸軍使
劉捍符道昭已下賜物有差是月青州許州定州三
鎮節度使請開內宴各賜方物

六月戊寅幸乾元院宴召宰臣學士及諸道入貢陪

臣

三年三月幸澤州辛巳以同州節度使劉知俊爲潞
州行營招討使壬午宴扈駕群臣并勞知俊賜以金
帶戰袍寶劍茶藥

四月丁未自澤州還至懷州宴宰臣文武百官

九月丁亥西幸陳州錫宴扈從官

十月乙巳御內殿宴宰臣扈從官共四十五人丙午
御毬場殿宣夾馬都指揮使尹皓韓塘以下將士五
百人賜酒食庚戌至西都御文思殿辛亥宰臣百寮

起居於殿前遂宣赴內宴賜方物有差丁巳至東都
壬戌御宣和殿宴宰臣文武百官

十一月辛亥御宣和殿宴宰臣文武百官以大駕還
京故也庚辰御宣和殿宴宰臣文武百官乙未又宴
宰臣百官於宣和殿

三年正月甲午御文思殿宴群臣賜金帛有差

二月丁酉宴群臣於崇勳殿甲辰又宴羣臣於崇勳
殿蓋藩臣進賀勉而從之

三月丙辰朔御崇勳殿視朝遂宴群臣

四月車駕在河中府巳亥御前殿宴宰臣及冀王友

謙扈從官甲寅宴宰臣及扈從官于內殿

五月乙丑朔視朝遂命宰臣及文武百官宴于內殿
巳卯車駕至西京癸未御崇勳殿宴宰臣及文武百
官四品巳上巳丑復御崇勳殿宴宰臣文武百官四
品巳上

九月甲午宴百官於崇勳殿丙辰御崇勳殿召韓建
楊涉薛貽矩趙光逢杜曉河南尹張宗奭襄州節度
使楊師厚宣州節度使王景仁等賜食賜宰臣銀鞍
轡馬方物銀器細茶等庚辰御崇勳殿宴宰臣及文
武百官

四年正月壬寅幸保寧球場賜宴宰臣及文武百官
二月戊辰宴於金鑾殿甲戌以春時無事頻命宰臣
及勳烈宴於河南府池亭辛巳楊師厚赴鎮于陝寒
食假諸道節度使郡守勳臣競以春服賀又連清明
宴以鞍轡馬及金銀器羅綿進者迨千萬乃御宣威
殿宴宰臣及文武官四品已上

三月壬辰幸崇政院宴勳臣巳亥幸天驥院宴侍臣
壬寅幸井水亭宴宰臣勳烈翰林學士辛亥宴宰臣
於內殿丙辰於興安球場大饗六軍樂春時也

四月乙丑宴崇政院帝在藩及踐祚勵精求理添
逸樂未常命堂上歌舞是日止令內妓添
曲甚懽至午而罷

七月壬子宴宰臣河南尹翰林學士兩街使于井水
亭丙辰宴羣臣於宣威殿

八月西征庚午次陝府辛未宴本府節度使楊師厚
及扈從官于行宮賜師厚帛千匹仍授西路行營招
討使丙子宴文武從官軍使已下設龜茲樂

九月甲午至西京乙卯宴會羣臣于宣威殿

十月巳卯以新修天驥院開宴落成內外并獻馬而
魏博進絹四萬疋爲駟價

壬午以冬設禁軍幸興安鞠場召文武百官宴

十一月辛卯宴文武四品已上于宣威殿庚戌幸左

龍虎軍宴羣臣甲寅幸右龍虎軍宴羣臣

十二月辛酉宴文武四品已上于宣威殿

五年三月丙申幸甘水亭召宰臣翰林學士尚書侍

郎孔續已下八人扈從宴樂甚歡戊戌幸右龍虎軍

召文武官四品已上宴於新殿甲辰幸左龍虎軍新

殿宴文武官四品已上

四月丁卯幸龍虎門召宰臣學士金吾上將軍大將

軍侍宴廣化寺丁丑幸宣威殿宴文武官四品已上

及軍使蕃客已卯又幸左龍虎軍宴羣臣

乾化元年五月甲申朔大赦改元宴於宣威殿壬辰

宴河南尹翰林學士軍使於宣威殿

八月癸亥詔宰臣文武百寮宴於河南府

九月已丑宴羣臣於興安殿

十月幸相州癸亥令諸軍指揮使及四番將軍賜食

於行宮之外廡戊辰幸邑西之白龍潭潭水亘千許

步南北五之一焉風瀾折岸遼然有江湖之狀潭之

北立神祠前亭宇弘敞下植波際帝登臨凝覽宸旨

舒悅卽命丞相與翰林太學士侍膳於方右又命魚

猛數十以鈞網進觀獻焉

十一月甲申至犂陽縣乙酉命從官丞相已下宴於行次

二年二月庚戌中和節御崇勳殿召丞相太學士河南尹略封訖於萬春門外廡賜以酒食

是月庚申御宣威殿開宴丞相洎文武官屬咸被召列侍竟日而罷

三月北巡還至貝州辛卯詔丞相翰林太學士文武從官都招討使及諸軍統指揮使等賜食於行殿壬辰命以羊酒等各賜從官已未次黎陽縣東都留守

官吏奉表起居賜丞相從官酒食有差已巳至東都博王友文以新創食殿上言并進準備內安錢三千貫銀器一千五百兩辛未宴于食殿召丞相及文武從官等侍焉

慶賜

傳曰行慶施惠罔有不當孟軻有言曰推恩足以保四海古之令王何莫由茲道也自嬴氏力政并吞諸夏申詔爵之典弛羣飲之禁逮氣王南紀時更五代元魏之季高齊嗣典莫不因事以大賚昭德以行賞或進位以寵文武版授以尊耆艾恤民之隱則有穀

帛之賜與人同樂則有牛酒之惠至於善人女子亦以霑及逮夫朱梁率由是矣其或折俎之宴有束帛之賚蓋伐木之詩所謂將其厚意者也

秦始皇二十五年五月天下大酺周禮族師掌春秋祭酺為人物灾害之神陳留俗三月上巳臨水飲食為酺

二十六年更名民曰黔首黔黎也大酺

二十七年賜爵一級

三十一年十二月更名臘曰嘉平賜黔首里六百石米

二羊

三十六年徙民於北河榆中拜爵一級

加賞
秦大帝黃龍元年四月即皇帝位是日將吏皆進爵

景帝元永安年十一月紹位詔曰諸將吏奉迎陪位在永昌亭者皆加位一級

宋高祖永初元年六月即位改元大赦賜民爵二級

鰥寡孤獨不能自存者人穀五斛

少帝景平元年正月巳亥朔大赦改元文武進位二等

文帝即位初文武賜位二等

元嘉六年三月立皇太子邵為皇子賜文武位一等

十四年南郊大赦文武賜位一等孤老六疾不能自
存者人賜穀五斛

十七年十月大赦天下文武賜爵一級

二十四年春大赦文武賜位一等繫降宥諸逋負寬
減各有差孤老六疾不能自存者賜穀五斛

是年以林邑所獲金銀寶物班賚各有差

二十六年幸丹徒詔二千石官長並勤勞王務宜有
沾錫

孝武孝建元年正月立皇子子業為皇太子賜天下
為父後者爵一級孝子順孫義夫節婦粟帛各有差

七月大赦賜文武爵一級

大明二年詔曰先帝靈命初興龍飛西楚歲紀浸遠
感往纏心奉迎文武情深嘗隸思弘殊澤以申永懷
吏身可賜爵一級軍戶免為平民

三年七月大赦孝子順孫義夫節婦賜帛各有差

四年車駕躬耕籍田大赦天下力田之民隨才叙用
孝悌義順賜爵一級孤老貧疾人穀十斛籍田職司
優沾重賚百姓之糧種隨宜貸給吏宣勸有章者詳
加褒進

六年正月祠南郊大赦天下孝子順孫義夫節婦賜

爵一級慈姑節婦及孤老六疾賜帛五疋穀十斛
七年二月車駕巡南豫南兗二州賜民爵一級女子
百戶牛酒刺守邑宰及民夫從蒐者普加沽養又詔
蠲歷陽郡租輸三年遣使巡慰問民疾苦鰥寡孤老
六疾不能自存者厚賜粟帛
十月壬寅太子冠賜王公以下帛各有差
十二月行幸歷陽郡賜女子百戶牛酒高年孤疾賜
帛十疋

前廢帝永光元年八月誅太宰江夏王義恭等改元
景和文武賜位二等

景和元年皇子生少府劉勝之子也大赦天下賜
父後者爵一級
明帝即位初大赦天下改泰始元年賜民爵二級鰥
寡孤獨不能自存者人穀五斛
二年既討平江郢荆雍湘五州六軍解嚴大赦天下
賜民爵一級
五年車駕躬耕籍田大赦天下賜力田爵一級
後廢帝元徽二年加元服大赦天下賜民男子爵一
級為父後及三老孝悌力田爵二級鰥寡孤獨篤癯
不能自存者穀五斛年八十以上加帛一疋大酺五

日賜王公以下有差
 是年江州刺史桂陽王休範舉兵反討平之詔京邑
 二縣埋藏所殺賊并戰歿者復同京城是日解嚴大
 赦天下文武賜位一等
 四年正月車駕躬耕籍田大赦天下賜力田爵一級
 順帝元徽五年七月卽位大赦天下賜文武位二等
 南齊太祖建元元年四月受禪大赦賜民爵二級文
 武位二等鰥寡孤獨不能自存者人穀五斗
 六月詔諸將及客勦力艱難盡勤直衛其從還宮者
 普賜位一階

武帝永明二年八月幸青宮領宮職司諫賜幣帛
 四年閏正月辛亥籍田詔孝悌力田詳授爵位孤老
 貧窮賜穀十石甲寅幸闕武堂勞酒小會詔賜王公
 以下在位者帛有差
 是年三月國子學講孝經車駕幸學賜國子祭酒博
 士助教絹各有差
 五年十一月戊子皇孫冠於東宮崇政殿其日小會
 賜王公已下帛各有差
 十一年四月立皇太孫詔賜天下爲父後者爵一級
 孝子順孫義夫節婦粟帛各有差

明帝建武元年立皇太子寶卷詔天下孝子順孫義夫節婦普加甄賜明揚表其衡閭賚以束帛

二年寢廟成詔監作長師可賜位一等後身遺假一年非役者蠲租同假

三年皇太子冠賜王公已下帛各有差為父後者賜爵一級

四年四月改元永泰文武加位二等

普通元年正月改元賜文武勞位孝弟力田爵一級尤貧之家勿收當調鰥寡孤獨并加贍卹

三年八月辛酉作二郊及籍田并畢班賜工匠各有

差

四年二月乙亥籍田詔孝弟力田賜爵一級預耕之

司尅日勞酒三日

大通元年正月辛未詔孝悌力田賜爵一級

中大通元年正月辛酉輿駕親祠南郊大赦天下孝

悌力田賜爵一級

三年七月乙亥立晉安王綱為皇太子大赦天下為

父後者及出處忠孝文武清勤并賜爵一級

五年正月辛卯輿駕親祠南郊大赦天下孝悌力田

賜爵一級

閏位部

六年二月癸亥輿駕親耕籍田大赦天下孝悌力田賜爵一級

大同三年正月辛丑輿駕親祠南郊大赦天下孝悌力田賜爵一級

五月正月辛未輿駕親祠南郊詔孝悌力田及州閭鄉黨稱孝為善人者各賜爵一級並勒所屬即時騰上

十年三月駕幸蘭陵謁建陵至修陵壬寅詔故鄉老少接踵遠至情貌孜孜若歸於父宜有以慰其心此并可賜位一階并加頒賚內外從官軍主左右錢米

各有差癸卯詔在園陵職司恭事勤勞并賜位一

并加沾賚是月幸迴賓亭宴帝鄉故老及所經近縣

奉迎候者少長數千人各賚錢二千

中大通元年四月大赦改元孝悌力田為父後者賜

爵一級賚宿衛文武各有差

大清元年四月丁亥輿駕自同泰寺還宮大赦改元孝悌力田為父後者賜爵一級在朝群臣宿衛文武并加班賚

元帝永聖元年十月即位大赦改元内外文武賜位

一等

太平元年九月壬子改元孝悌力田賜爵一級

陳高祖永定元年十月禪授大赦改元賜民爵二級

文武二等鰥寡孤獨不能自存者人穀五斛

文帝永定三年六月卽位詔文武內外量加爵叙孝

悌力田爲父後者賜爵一級

九月立皇太子伯宗王公已下賜帛各有差

天嘉元年正月癸丑大赦改元孝悌力田殊行異等

加爵一級辛丑輿駕祠南郊賜民爵一級

三年正月初祠南郊詔曰朕負荷寶國承迺星璫兢

兢業業庶幾治定而德化不孚俗弊茲甚永言念之

無忘日夜陽和布氣昭事上玄躬奉牲玉誠兼饗敬

思與黎元被斯寬惠可普賜民爵一級其孝悌力田

別加優恤

七月己丑皇太子納妃王氏在位文武賜布各有差

孝悌力田爲父後者賜爵二級

六年正月甲午皇太子加元服王公以下賜布各有

差孝悌力田爲父後者賜爵一級鰥寡孤獨不能自

存者人穀五斛

太康元年四月乙卯皇孫至澤生在位文武賜絹帛

各有差爲父後者賜爵一級

廢帝光大元年正月大赦改元孝悌力田賜爵一級
七月戊申立皇太子至澤為皇太子賜天下為父後
者爵一級王公已下賚帛各有差

宣帝大建元年正月甲午即位大赦改元在位文武
賜爵一階孝悌力田及為父後者賜爵一級異等殊
才并加策序鰥寡孤獨不能自存者人賜穀五斛

七月辛卯皇太子納妃王公已下賜帛有差

五年二月己丑皇孫生詔曰皇孫載誕國祚方熙思
與群臣共同斯慶内外文武賜帛各有差為父後者

賜爵一級

後王大建十四年正月丁巳即位大赦在位文武

孝悌力田為父後者并賜爵一級鰥寡孤老不能自

存者賜穀人五斛帛二疋

四月丙子立永康公為皇太子賜天下為父後者爵

一級王公已下賚帛各有差

至德二年七月壬午太子加元服在位文武賜帛各

有差孝悌力田為父後者各賜爵一級鰥寡癯老不

能自存者人穀五斛

東魏孝靜帝太平三年五月賜鰥寡孤獨貧窮者衣

服各有差

興和元年十月以新宮成大赦改元年八十月以上賜綾帽及杖七十已上賜帛及有廢疾者各賜帛粟二年正月徙新宮大赦內外百官普進一級營構主將別優一階田為父爵皆各賜一階北齊文宣帝天保元年五月受禪南郊禮畢大赦改元百官進階男子賜爵鰥寡六疾義夫節婦旌賞有左

九年十一月以新宮成丁酉大赦內外交武並進一級

大赦

廢帝天保十年十一月癸酉即位大赦內外百官普

加進級

孝昭帝皇建元年十一月立世子百年為太子賜天下為父後者爵一級

武成帝清河元年正月以子緯為皇太子大赦內外百官并加進級諸為父後者賜爵一級

後主天統三年二月帝加元服大赦九州職人各進四級內外百官并進二級

武平元年六月以皇子生大赦內外百官并進二級九州職人并進四級

梁太祖開平元年四月己未將受唐禪賜文武百官

一百六十八人本色衣一副丁卯大酺賞賜有差

二年十一月戊子賜文武百官帛

三年正月賜南郊行事官儀禮使趙光逢已下分物
甲午上御文思殿宴群臣賜金帛有差甲申賜文武
官帛有差命宣徽使王殷押絹一萬疋并茵褥圖纒
二百六十件賜張宗奭

九月御崇勳殿宴群臣文武百官賜張宗奭楊師厚
白綾各三百疋銀鞍轡馬丁酉上幸崇政院宴內臣
賜院使敬翔直學士李班等繒絲有差

四年正月壬寅幸保寧球場宴宰臣及文武百官賜

宰臣張宗奭已下分物有加賜廣王分物

七月丙辰宴群臣於宣威殿賜物有差

八月車駕西征次陝府丙子宴文武從官軍使已下
設龜茲樂賜物有差

五年三月丙申幸甘水亭召宰臣翰林學士尚書侍
郎孔續已下八人扈從宴樂上甚歡賜物有差

四月丁卯幸龍門召宰臣學士金吾上將軍大將軍
侍宴于廣化寺賜物有差

乾化元年五月甲申朔大赦改元詔方伯州牧近未
加恩者并遷爵秩復大賚軍旅溥宴于宣威殿賜帛

各有差
三年四月幸魏州之金波亭賜宰臣文武官及太學士羊酒有差

末帝龍德元年正月改元詔曰郊禋大禮舊有渥恩御殿改元比無賞給今則不循舊例別示特恩其行營將士賞賚已給付本家宜令招討使霍彥威副招討使王彥章陳州行營都指揮使張漢傑曉示諸軍知悉

繼貢獻

天子制貢職所以均財用諸侯歸時事所以陳藝極

明上下之序聿成經久之法昔漢室淪覆三
峙孫劉而下據有江吳北齊朱梁奄宅中土而皆懋
宣法式寵綏遐邇故藩服之長中外之臣莫不遵時
會之文修任土之貢亦有獻瑞物而贊寶器者咸用
論次焉

吳大帝漢建安末為吳侯安遠將軍領交趾太守士
燮每遣使致雜香細葛輒以千數明珠大貝琉璃翡
翠玳瑁犀象之珠奇物異果蕉柳龍眼之屬無歲不
至燮弟合浦太守一時貢馬凡數百匹帝輒為書厚
加寵賜以荅慰之

嘉禾元年十月魏遼東太守公孫淵遣使稱藩并獻

貂馬帝大悅加淵爵位

宋明帝泰始四年二月丙申豫章望蔡獲古銅鍾高

一尺七寸太守張辯以獻

南齊武帝永明五年益州刺史始興王鑑獻龍角一

枝長九尺三寸紅色有文

六年七月齊郡太守劉元寶於郡城墜得錢三十七

萬徑一寸半以獻帝以為瑞班賜公卿

崔惠景為南郡內史梁南秦二州刺史又為司州刺

史惠景每罷州輒資獻奉動數百萬武帝以此嘉之

梁武帝大通初陶弘景獻二刀於高祖其一名嘉

一名成勝并為佳寶

陳宣帝大建七年四月郢州獻瑞鍾

十二月南康郡獻瑞鍾

北齊文宣帝天保七年梁湘州刺史王琳獻馴象

梁太祖開平元年五月壬午保義軍節度使朱友謙

進百官衣二百副其月廣州進奇寶名樂品類甚多

河南尹張全義進開平元年已前羨餘錢十萬貫紬

六千疋綿三十萬兩仍請每年上供定額每歲貢絹

三萬疋以為營式荆南高季昌進瑞楠數十顆質狀

百味倍勝嘗貢且橘當冬熟今方仲夏時人感異其事因稱為瑞

十月廣州進獻助軍錢二十萬又進龍腦腰帶珠

枕玳瑁香藥等

十一月廣州進龍形通犀腰帶金托裏含稜玳瑁器

百餘副香藥珠巧甚多

二年正月幽州劉守文進海東鷹鶻蕃馬羶罽方物

九月福州貢玳瑁琉璃犀象器并珠玩香藥奇品海

味色類良多價累千萬

十一月諸道節度刺史各進賀冬田器鞍馬綾羅等

三年四月幽州節度使劉守光進蕃中生異馬一匹

鞍後毛長五寸名烏龍兩浙節度使錢鏐進睦州大

茶三百一十籠洞牙弩百枝桐木槍二千條賜進奉

使紀君武銀帛有差是年冬諸道節度使刺史咸貢

鞍馬銀絹羅綺賀正

四年五月自朔旦至癸巳內外以午日奉獻巨萬計

馬三千蹄餘稱是復相率助修內壘

時南北征伐板籍未有定賦帝

每議營造及節序無不成獻而南方數鎮入相調外山澤魚鹽之利罕籍於縣官矣

七月福州貢方物獻桐皮扇廣州貢犀王獻船上蓋

薇水

十月己卯新修天驥院帝開宴落成內外并獻馬而魏博進絹四萬疋以爲驅價

乾化元年兩浙進大方茶二萬觔琢畫宮衣五百副廣州貢犀象奇珠及金銀等其估數千萬安南兩使留後曲美進筒中蕉五百疋龍腦鬱金各五瓶他海貨等有差又進南蠻通好金器六物銀器十二并乾陀綾花緝越跣等雜織奇巧者各三十件福建進戶部多支榷課葛三萬五千疋

二年四月廣州獻金銀犀牙雜寶貨及名香等合估數千萬是月客省引進使韋堅使廣州廻以銀茶上獻其估凡五百餘萬福建進供御金花銀器一百件各五千兩是年天下郡國各助郊天及賀正獻相次而至

卷之二十一 禮記 卷之二十一

册府元龜 果翁豈衣國封長之符大日尚書宜歸內

天淵安劉王神史學坐山耕之 淮南李嗣京參閱

幾婦素沐蘇淇吳帝帝陳陳 西極文翔鳳訂正

百量數下始卷十天河州 豫章黃國琦較釋

閩位部 二十七

宋文帝元耕籍十平務農 節儉

穀籍不耕籍 齊少孟仲耕籍 魏水耕籍

周禮有王籍之制以時入之上以供粢盛下以致蕃
殖祈農務穡於是乎在而羸氏并吞收大半之賦孫
劉鼎峙定三分之業甸師所掌史策無聞故不可得

册府元龜 閩位部 卷之二十一 九十八

而論也若乃繇宋洎陳迭王江左北齊高氏建都鄴下皆親御耒耜率勸農功所謂國之大典民之大事于斯而已矣其或致誠齋祭草具禮儀除壇於國之震離卜月於春之孟仲隨時沿革亦載于篇

宋文帝元嘉二十年十二月詔曰古者從時胙土以訓農功躬耕帝籍敬供粢盛仰瞻前王思遵令典便可量處千畝考卜元辰朕當親率百辟致禮郊甸庶幾誠素將被斯民初帝將親耕而其儀久廢使何承天撰定儀注時史學生山謙之已私鴻集因以奏聞於時斟酌衆條造定圖注先立春九日尚書宣攝內

各使隨局從事司空大農京尹令尉度官之辰八里之外整制千畝開阡陌立先農壇於中阡西陌南御耕種壇於中阡東陌北將耕宿設青幕於耕壇之上皇后帥六宮之人主種稂之種付籍田令耕日太祝以一大牢告祠先農悉如祠帝社之儀孟春之月擇上辛後吉亥日御乘耕根三蓋車駕蒼駟青旂著通天冠青幘朝服青袞帶佩蒼玉藩王已下至六百石皆衣青唯三臺武衛不耕不改服章車駕出眾事如郊廟之儀車駕至籍田侍中跪奏導降車臨壇大司農跪奏先農已享請皇帝親耕太史令讚曰皇

帝親耕三推三反於是群臣以次耕王公五等闡國
 諸侯五推五反孤卿大夫七推七反士九推九反籍
 田令率其屬耕竟畝灑種卽耨禮畢
 孝武帝大明四年正月乙亥躬耕籍田
 明帝大始五年正月癸亥躬耕籍田
 後廢帝元徽四年正月己亥躬耕籍田
 南齊武帝末明三年十二月詔曰九穀之重八財爲
 末是故潔粢豐盛祝史無愧於辭不籍千畝周宣所
 以貽諫昔期運初啓庶政草昧三推之典我則未暇
 朕嗣奉鴻基思隆先軌載耒躬親率繇舊式可以開
 春發歲敬簡元辰鳴青鸞於東郊冕朱紘而蒞事仰
 薦宗禋俯勗黔黎將使困庾內充遺秉外物旣富而
 教茲焉攸在

四年閏正月辛亥親耕籍田

梁高祖天監十三年二月丁亥親耕籍田先是籍田
 依宋齊以正月用事不齋不祭帝以爲啓蟄而耕則
 在二月節內書云以殷仲春禮在建卯於是改用二
 月

十六年二月辛亥親耕籍田

普通二年四月丙辰詔曰夫欽若昊天歷象無違躬

執耒耜盡力致敬上協星鳥俯訓民時平秩東作義不在南前代因襲有乖禮制可以震方簡求沃野具茲千畝庶允舊章於是徙藉田於建康北岸築兆域大小列種梨柏便殿及齋宮省如南北郊別有望耕臺在壇東帝親耕畢登此臺以觀公卿之推代又有祈年殿云

四年二月乙亥躬耕籍田詔曰夫耕籍之義大矣哉染盛繇之而興禮節因之以著古者哲王咸用此作眷言八政致茲千畝公卿百辟恪恭其儀九推禮畢馨香靡替兼以風雲叶律氣象光華屬覽休辰思加

獎勵可班下遠近廣闢良疇公私就畝務盡地利若欲附農而糧種有乏亦並加貸給每使優徧孝弟力田賜爵一級預耕之司尅日勞酒

中大通六年二月癸亥親耕籍田

二年二月乙亥躬耕籍田

三年二月丁亥親耕籍田

四年二月己亥親耕籍田

六年二月己亥親耕籍田

七年二月辛亥親耕籍田

大清元年二月丁亥躬耕籍田

陳宣帝大建元年二月乙亥親耕籍田

三年二月丁酉親耕籍田

六年二月辛亥親耕籍田

九年二月壬午親耕籍田

十一年二月癸亥親耕籍田

十三年二月乙亥親耕籍田

北齊文宣帝天保二年正月辛亥親耕籍田于東南其制千畝內種赤梁白穀大豆赤黍小豆黑稊麻子小麥色別一頃白餘一頃地中通阡陌作祠壇於陌

南阡西廣輪三十六尺高九尺四陸三壇四門夾脊大營於外設御耕壇於阡東陌北每歲正月上辛後吉亥使公卿以大宰祠先農神農氏於壇上無配饗祭訖親耕先祠司農進種稔之種六宮主之行事之官並齋設齋省於壇所列宮懸又置先農坐於壇上衆官朝服司空一獻不燎祠訖帝乃服通天冠清紗袍黑介幘佩蒼玉黃綬青帶綠舄備法駕乘木輅耕官青朝服從殿中監進御耒於壇南百官定列帝出便殿升耕壇南陛卽御坐應耕者各進於列帝降自南陛至耕位釋劔執耒三推三反升壇卽坐耕官一

品五推五反二品七推七反三品九推九反籍田令
紳其屬以牛耕終千畝以青箱奉種稷跪呈司農詣
耕所灑之種訖司農省功奏事畢帝降之便殿更衣
饗宴禮畢進賚而還

東晉時務農空一

種

不

夫四民之業農居其一焉蓋務穡播穀所以厚下而
豐財授時勉人所以敦本而成務致國於富彊躋俗
於仁壽本始不白茲道也嬴秦肆暴靡修稼政孫劉
裂壤南北更政以迄于朱梁或勸課織悉形於詔令
或優恤深篤著於條禁以至蠶月云及申其帛襄之

刑耕事方急緩其骸鯨之戮親臨畝畝形於獎誨然
後餘糧委於甫田游手緣於東作既富而教可以君
國而表命也不復田漸刻賦日也於東大父
蜀後主建興三年春詔務農植穀閑息民
吳大帝黃武五年陸遜以所在少穀表令諸將增廣
農畝報曰甚善今孤父子親自受田車中八牛以為
四耦雖未及古人亦欲與眾均等其勞也
赤烏三年正月詔曰蓋君非民不立民非穀不生頃
者以來民多征役歲又水旱年穀有損而吏民不良
侵奪民時以致饑困自今以來督軍郡守其警察非

法當農桑時以役事擾民者舉正以聞
景帝末安二年三月詔曰朕以不德託于王公之上
夙夜戰兢忘寢與食今欲偃武修文以崇大化推此
之道當繇士民士民之贍必須農桑管子有言倉廩
實知禮節衣食足知榮辱夫一夫不耕有受其飢一
婦不織有受其寒飢寒並至而民不爲非者未之有
也自頃年以來州郡民吏及諸營兵多違此業皆浮
長江賈作上下良田漸廢見穀日少欲求大定豈可
得哉亦繇租入過重農人利薄使之然乎今欲廣開
田業輕其賦稅差科疆羸課其田畝務令優均官私
行所使家給戶贍足相供養恐愛身重命不免刑由
然後刑罰不用風俗可整以辟僚之忠賢若盡心於
時雖大古盛化未可卒致漢文升平庶幾可及及之
則臣主俱榮不及之則損削侵辱何可從容俯仰而
諸卿尚書可共咨度務取便佳田桑已至不可後時
事定施行稱朕意焉
宋文帝元嘉八年閏六月詔曰自頃農桑惰業遊食
者衆荒萊不闢督課無聞一時水旱便有罄匱苟不
深存務本豐給靡因郡守賦政方畿縣宰親民之主
宜思獎訓導以良規咸使肆力地無遺利耕蠶樹藝

各盡其力若有力田殊衆歲竟條名列上

二十年十二月詔曰國以民爲本民以食爲天故一夫糴稼飢者必及倉廩旣實禮節以興自頃所在貧罄家無宿積賦之暫偏則人懷愁墊歲或不稔而病至此室誠繇政德弗亨以臻斯弊抑亦耕桑未廣地利多遺宰守微化導之方萌庶忘勸分之義求言弘濟明發載懷雖制令亟下終莫懲勸而坐望滋殖庸可致乎有司其班宣舊條務盡敦課遊食之徒咸令附業考覈勤惰行其誅賞觀察能殿嚴加黜陟

二十一年七月詔曰比年穀稼傷損淫亢成災亦由

播殖之宜尚有未盡南徐兗豫及揚州浙江江西屬郡自今悉督種麥以助闕乏速運彭城下邳郡見種委刺史貸給徐豫土多稻田而民間專務陸作可符二鎮履行舊陂相率脩立并墾闢使及來年凡諸州郡皆令盡勤地利勸導播殖蠶桑麻紵各盡其方不得奉行公文而已

孝武帝大明二年三月以田農要月大官停殺牛

明帝泰始三年正月以農役將興大官停宰牛

南齊武帝永明三年正月詔曰守宰親民之要刺史案部所先宜嚴課農桑相土揆時必窮地利若耕蠶

殊衆足厲浮惰者所在即便列奏其違方矯務佚事妨農亦以名聞將明賞罰以勸勤怠較覈殿最以申黜陟
鬱林王隆昌元年正月詔曰執耕耨虧懸罄比室秉機或惰無福終年非怠非荒雖繇王道不稂不莠實賴民和頃歲多稼無爽遺秉如積而三登之美未臻萬斯之基尚遠且風土異宜百姓殊務刑章治緒未必同源妨本害政事非一揆冕旒屬念無忘夙興司嚴下州郡務滋耕殖履畝闢疇廣開地利深樹國本克正天民

明帝建武二年正月詔曰食惟民天義高姬載農生本教重軒經前哲盛範後王茂則布令審端咸必繇之朕肅農嚴廊思弘風訓深務八政永鑒在勤靜言日晏無怠寢興守宰親民之主牧伯調俗之司宜嚴課農桑罔或懈惰務景肆力必窮地利修固堤防考較殿最若耕蠶殊衆具以名聞游怠害業即便列奏主者詳爲條格
梁簡文大寶二年正月甲戌下令曰卑國多虞戎旃未靜青領雖熾黔首宜安時唯星鳥表年祥於東秩春紀宿龍歌歲取於南峻况三農務業尚看天桃敷

水四人有令猶及落杏飛花化俗移風當在所急勸
耕且戰彌瀕自許豈直燕垂寒谷積黍自溫寧可墮
此玄苗坐食紅粒不植鷓鴣空候蟬鳴可悉深耕概
種安堵復業無棄民力並分地利班勒州郡咸使遵
承

陳文帝天嘉元年三月詔守宰明加勸課務急農桑
庶鼓腹含哺復在茲日

八月詔曰菽粟之貴重於珠玉自頃寇戎游手者衆
民失分地之業主有佩犢之譏朕哀矜黔庶念康弊
俗思俾阻饑方存富教麥之爲用要切斯甚今九秋

在卽萬寶可收其班宜遠近並令播種守宰親臨勸
課務在及時其有充貧量給種子

後主大建十四年正月卽位二月詔曰躬耕爲勸義
顯前經力農見賞事昭往誥斯乃國儲是資民命攸
屬豐儉隆替靡不繇之夫入賦自古輸橐惟舊沃饒
貴于十金礪礪至於三易腴瘠旣異盈縮不同詐僞
日興簿書歲改稻田使者著自西京不實峻刑聞諸
東漢老農懼於絃絃俗吏因以侮文輟耒成群游手
爲伴永言妨蠹良可太息今陽和在節膏澤潤下宜
展春耨以望秋坻其有新闢塍畝進墾蒿萊廣袤勿

得度量征租悉皆停免私業久廢咸許占作公田荒
縱亦隨肆勤儉良守教耕淳民載酒有茲督課議以
實權外可爲格班下稱朕意焉

北齊文宣帝天保元年八月詔諸牧民之官仰專意
農桑勤心勸課廣收天地之利以備水旱之災
武成帝河清三年定令每歲春月各依鄉土早晚課
人農桑自春及秋男子十五已上皆就田畝桑蠶之
月婦女十五已上皆營蠶桑孟冬刺史聽審邦教之
優劣定殿最之科品有人力無牛無人方有牛者須
令相便皆得佃種使地無遺利人無游手焉

梁太祖開平三年八月已卯幸西苑觀稼

四年二月已丑出光政門至谷水觀麥

五年二月甲子幸驩村民舍閱農事

乾化元年五月癸巳觀稼于伊水

八月戊辰幸故上陽宮至榆林觀稼

夫節用愛人宣尼之教也去奢去泰玄元之旨也蓋

有國有家者曷嘗不遵卑菲之訓申奇巧之禁厚生
而務本克己以率下然後致民於富庶饗祚於悠久
者也自江吳傳國逮於北齊朱梁亦嘗斥棄珠玩禁

止貢獻裁減玉食之制削去輿服之飾戒風俗之踰
侈化民德以歸厚或形於詔誥或著之行事亦有始
初清明憲章稽古中道而廢不終令聞傳所謂非知
之艱行之惟艱又曰其身不正雖令不從雖復條教
周悉亦何益於治乎

吳大帝赤烏五年四月禁進獻御減大官膳

十年三月改作太初宮諸將及州郡皆義作帝詔曰
建業宮乃朕從京來所作將軍府寺耳材枉率細皆
以腐朽常恐損壞今未復西可徙武昌宮材瓦更繕
治之有司奏言曰武昌宮已二十八年恐不堪用宜

下所在通更伐致帝曰大禹以卑宮為美今軍事
已所在多賦若更通伐妨損農桑徒武昌材瓦自可
用也

宋高祖清簡寡欲嚴整有法度未嘗視珠玉輿馬之
御後庭無執綺絲竹之音寧州嘗獻琥珀枕光色甚
麗價盈百金時將北征以琥珀治金創帝大悅命搗
碎分付諸軍平關中得姚興財帛皆在外府內無私
藏宋臺既建有司奏東西堂施局腳牀銀塗釘帝不
許使用直腳牀釘用鐵廣州嘗獻入筒細布一端百
尺帝惡其精麗勞人即付有司彈太守以布還之并

制嶺南禁作此布帝素有熱病并患金創末年猶劇
坐卧嘗須冷物後有獻大石牀寢之極以為佳乃歎
曰木牀且費而况石耶即令毀之制諸王出適遣送
不過二十萬無錦綉金玉内外奉禁莫不節儉性尤
簡易嘗着連齒木屐好出神虎門逍遙左右從者不
過十餘人諸子旦問起居入閣脫公服止着裙如家
人之禮孝武大明中壞帝所居陰室於其處起玉燭
殿與羣臣觀之牀頭有土障壁上有葛燈籠
麻繩拂侍中表頤盛稱帝儉素之德孝
武不答獨曰田舍翁得此已為過矣

文帝元嘉八年三月詔曰頃軍役殷興國用增廣資
儲不給百度尚繁宜存簡約以應事實内外可通共
計思務令節儉帝性存儉約不好奢侈車府令當以
輦輦故請改易之又輦席舊以烏皮緣故欲代以紫
皮帝以竹簞未至於壞紫色貴並不聽改其率素如
此

孝武帝元嘉三十年四月即位五月詔曰興王立訓
務弘治節輔臣佐時勤獻政要仰惟聖規每存茲道
猥以耿躬屬承景業闡揚遺澤無廢厥心夫量入為
出邦有舊典而經給之宜多違當度兵役糜耗府藏
散減外内重供未加損約非所以聿遵先旨敬奉遺
命自今諸司薄已厚民去煩從簡悉宜施行以稱朕

七月辛酉詔崇儉約禁淫侈

大明四年四月詔曰昔弋衣御寓貶其示節土簋臨人飭儉昭度朕紉帛之念無忘于懷雖深詔有司抑浮務實而歲用兼積年量虛廣豈以捐豐從損允稱約心四時供限可詳減太半庶裘絺順典有偃民萃纂組傷功無競厲市

明帝泰始元年十二月詔曰皇室多故糜費滋廣且久歲不登公私歎弊方刻意從儉弘濟時艱政道未孚慨愧兼積大官供膳可詳所減撤尚方御府雕文

篆刻無益之物一皆蠲省務存簡約以稱朕心
二年十一月詔曰治崇簡易化嫉繁侈遠闢隆替明著軌跡者也朕緣斯墜運屬此屯極仍之以彫耗因之以師旅而識昧前王務艱昔代舊賦旣失爲費彌廣鑿寤庶務每思弘革方欲緩繇優調愛民爲先有司詳加寬惠更立科品其方物職貢各順土宜來獻納貢敬依時令凡諸蠹俗妨民之事趨末違本之業雕華靡麗奇噐異技並嚴加裁斷務歸要實其尚方御府諸署供御制造盛存儉約庶淳風至教微遵太古阜財興讓少敦季俗

後廢帝元徽二年五月詔曰頃國賦多愆公儲罕給
近治戎雖淺而軍費已多廩藏虛罄難用馭遠宜矯
革淫長務在節儉供奉服御悉就減撤雕文靡麗廢
而勿修凡游費一皆禁斷外可詳爲科格
三年閏三月詔曰頃民俗滋弊國度未殷歲時屢騫
編戶不給且邊隅尚警供費彌繁永言夕惕寢興增
疚思弘豐耗之制以惇約素之風庶在拯民以康法
道大官珎膳御府麗服諸所供擬一皆減撤可詳爲
其格務從簡衷
順帝昇明元年七月詔曰露臺息構義光漢德雉棗

焚制事因晉道故以簡奢軌化敦儉馭俗頃甸服未
靜師旅連年委蓄屢空勞弊莫偃而丹雘之飾糜耗
難訾寶賂之費徵賦靡計今車服儀制寔宜約損使
徽章有序勿得侈溢可罷省御府二署凡工麗雕鐫
傷風毀治一皆禁斷庶永昭憲則弘茲治政
南齊太祖卽位後身不御精細之物勅中書舍人桓
景真曰主衣中似有玉介導此制始自大明未得泰
始增光甚麗留此置主衣正是興長疾源可卽時打
碎凡復有異物皆宜隨例毀棄後官噐物欄檻以銅
爲飾者皆改用鐵內殿施黃紗帳官人著紫皮履華

蓋除金花瓜用鐵迴釘每日使我治天下十年當使黃金與土同價欲以身率天下移變風俗武帝爲治終大體以富國爲尤頗不喜遊宴雕綺之事言嘗恨之未能頓遣又詔凡諸遊費宜從休息自今遠近薦獻務存節儉不得出界營求相高奢麗金粟繒纈弊民已多珠玉玩好傷工尤重嚴加禁絕明帝初封西昌侯王子候舊乘繚帷車帝獨乘下帷車儀從如素士

建武元年十一月詔曰自今雕文篆刻歲時光新可悉停省藩收守宰或有薦獻事非在一嚴加禁斷

二年十月詔曰執世去奢事殷哲后訓物以儉理鏡前王朕屬流弊之末襲澆浮之季雖恭已敷化刻意隆平而禮讓未興侈華猶競永鑒玄風競言集嵬思所以還淳改俗反古移民可罷東田毀興光樓并詔水衡量省御乘

二年三月詔車府乘輿有金銀飾較者皆剔除制御親幸自下肅清驅使寒人不得用四幅織大存儉約罷武帝所起新林苑以地還百姓廢文惠太子所起東田斥賣之永明中輿輦舟乘悉剔取金銀還至衣庫以牙角代之嘗用皂夾訖授餘灤與左右曰此猶

堪明日用太官進御食有裹蒸帝曰我食此不盡可
四片破之餘乞晚食而武帝掖庭宮殿服御一無所
改其儉約如此
梁高祖初仕齊錄尚書事下令曰在上化下草偃風
從世之澆淳嘗繇此作自永元失德書契未紀窮凶
極悖焉可勝言既而璇室外構傾宮內積竒伎異服
殫所未見上慢下暴淫侈競馳國命朝權政移近習
販宮鬻爵賄貨公行並甲第康衢漸臺廣室長袖低
昂等和戎之賜琬蓋百品同伐冰之家愚民因之浸
以戎俗驕艷競爽夸麗相高至乃市井之家貂狐在

御工商之子緹繡是襲日入之次夜分未反昧
朝期之清旦聖明肇運厲精惟始雖曰績戎殆同創
革且淫費之後繼以典師巨橋鹿臺彫磬不一孤忝
荷大寵務在澄清思所以仰述皇朝大帛之旨俯厲
微躬鹿裘之義解而更張斷雕為樸自非可以奉
盛修絃冕習禮樂之容繕甲兵之備此外衆費一皆
禁絕御府中署量宜罷省掖廷備御妾之數太子絕
鄭衛之音其中有可以率先鄉士準的珉庶菲食薄
衣請自孤始加群才並軌九官咸事若能人務退食
競存約已移風易俗庶朞月有成昔毛玠在朝士大

夫不敢靡衣渝食魏武嘆曰孤之法不如毛尚書孤雖德謝往賢任重先達實望多士得其此心外可詳為條格及卽位身服浣濯之衣御府無文飾宮掖不過綾綵無珠璣錦繡大官撤牢饌每日膳菜蔬按不過三醖以儉先海內身衣布衣木綿皂帳一冠三載一被二年嘗克儉於身凡皆此類五十外便斷房室後宮職司貴妃已下六宮禕褕三翟之外皆衣不曳地傍無錦綺不飲酒不聽音聲非宗廟祭祀大會饗宴及諸法事未嘗作樂

陳高祖以儉素自率嘗膳不過數品私饗曲宴皆瓦

及立紹泰

臣欽若等曰紹泰梁敬帝年號也子女玉帛皆班將士其

充闈房者衣不重綵飾無金翠歌鐘女樂不列於前及乎踐祚彌厲恭儉故隆功茂德光有天下焉文帝天嘉元年八月詔曰汗樽土鼓誠則難追畫卯雕薪或可易革梁氏之末奢麗已甚芻豢壓於胥史歌鍾列於管庫土木被朱丹之采車馬飾金玉之琛逐欲澆流遷訛逐遠朕自諸生頗為內足而家數退素室靡浮華觀覽時俗常所扼腕今晏假時乘臨馭區極屬當淪季思聞治道靡食卑宮自安儉陋俾茲

薄俗獲反淳風往者雕鏤淫飭非兵器及國容所須
金銀珠玉衣服雜玩悉皆禁斷帝起自艱難知百姓
疾苦國家資用務從儉約嘗所調全事不獲已者必
咨嗟改色若在諸身

宣帝大建七年四月監豫州陳桃根上織成羅紋錦
被表各二詔於雲龍門外焚之

十年四月詔曰惟堯曷衣鹿裘則天爲大伯禹弊衣
菲食夫子曰無間然故儉德之恭約失者鮮朕君臨
宇宙十變年籥聃日勿休乙夜忘寢跂予思治若濟
巨川念茲在茲懍同馭朽非貪四海之富非念黃屋

之尊導仁壽以寘群生寧勞役以奉諸已但承梁季
亂離斯瘼宮室禾黍有名亡處雖輪奐未覩頗事經
營去泰去甚猶爲勞費加以戎車屢出千金日損府
帑未克民疲征賦百姓不足君孰與足興言靜念夕
惕懷抱垂訓立法良所多慙斷雕爲朴庶幾可慕雉
頭之服旣焚弋縹之衣方襲損撤之制前自朕躬草
偃風行冀以變俗往者御府堂署所營造禮樂儀服
軍器之外其餘悉皆停息掖庭嘗供王侯妃主諸有
奉卹並各量減

十三年十二月己巳詔非軍國所須多所減損歸于

節儉
卷之百九十八
儉約

北齊神武帝雅尚儉素刀劍鞍勒無金玉之飾少能
劇飲自當大任不過三爵
文宣天保元年七月詔曰古人鹿皮爲衣書囊成帳
有懷盛德風流可想其魏朝御府所有珠竒雜綵嘗
所不給人者徒爲人蓄積宜命悉出送內後園以供
七日宴賜

梁太祖開平二年六月詔曰敦尚儉素抑有前聞斥
去浮華期臻至理如聞近日貢奉競務奢淫或竒巧
蕩心或雕鏤溢目徒殫資用有費工庸此後應諸道
進獻不得以金寶裝飾戈甲劍戟至於鞍勒不用金
金及雕刻龍鳳如有此色所司不得引進

冊府元龜

冊府元龜 冊位部

卷之百九十八

二

冊府元龜

為元平四民始呈帝

淮南李嗣京參閱

西極文翔鳳訂正

豫章黃國琦較釋

文計閏位部

命相選將

命相

惟秦氏據有宇內孫劉三分天下宋蕭四代載祀三

百東魏高齊逮於梁室莫不咨求賢英置之宰弼財

成國務彌綸統紀至乃備物典策以優其命數委任

責成以寄其心替贊萬樞以賦政總百官以承式時
惟棟幹之重允取陶甄之化得賢之盛何代無之其
或繇勳烈而踐衡石以恩幸而升公衮罹負乘之謗
致鼎餗之傾者亦可以垂鑒者已

秦始皇帝初為秦王以呂不韋為相國封十萬戶號

文信侯其後有相國昌平君昌文君史失其名及即皇帝

號有丞相隗丞相王綰丞相李斯黃國無姓

二世時去疾為右丞相李斯為左丞相已歿以趙高

為中丞相事無大小輒決於高

蜀先主章武元年四月即皇帝位策諸葛亮為丞相

錄尚書事曰朕遭家不造奉承大統兢兢業業不敢

康寧思盡百姓懼未能綏於戲丞相亮其悉朕意無

怠輔朕之闕取宣重光以昭明天下君其勗哉又以

許靖為司徒策曰朕獲奉洪業君臨萬國夙夜惶惶

懼不能綏百姓不親五品不遜汝作司徒其敬敷五

教五教在寬君其勗哉秉德無怠

後主建興八年詔策諸葛亮曰街亭之役咎繇馬謖

而君引愆深自貶抑重違君意聽順所守前年耀師

馘斬王雙今歲爰征郭淮遁走降集氐羗興復二郡

威震凶暴功勳顯然今方天下騷擾元惡未梟君受

大任幹國之重而久自挹損非所以光揚洪烈矣今復君丞相君其勿辭

十二年八月丞相亮卒以丞相留府長史蔣琬為尚書令總統國事亮密表後主曰臣若不幸後事宜付琬

十三年四月進蔣琬位為大將軍錄尚書事以後軍師費禕為尚書時戰國多事公務煩猥禕識悟過人每自讀書記舉目暫視已寃其旨矣

延熙二年三月進蔣琬位為大司馬

六年十一月以尚書令費禕為大將軍錄尚書事
十年以衛將軍姜維與大將軍費禕共錄尚書事
十九年春進姜維位為大將軍

吳大帝黃武元年以車騎長史孫邵為丞相

四年六月以大嘗顧雍為丞相

赤烏七年正月以上大將軍陸遜為丞相詔曰朕以不德應期踐運王途未一姦寃克路夙夜戰懼不遑

鑒寐惟君天資聰叡明德顯融統任上將佐國弭難夫有超世之功者必膺光大之寵懷文武之才者必

荷社稷之重昔伊尹隆湯呂尚翼周內外之任君實兼之今以君為丞相使持節守太嘗博士授印綬君

其茂昭明德修乃懿績敬服王命綏靖四方於乎總司三事以詞群僚可不敬與君其昂之其州牧都護

領武昌事如故

九年九月以驃騎將軍步騭為丞相

十二年四月以驃騎將軍朱據領丞相

廢帝亮建興元年閏四月以太子太傅諸葛恪為太

傅太嘗勝裔為衛將軍領尚書事

二年十月以武衛將軍孫峻為丞相

景帝休永安元年十月以大將軍孫琳為丞相

十一月詔曰大將軍掌中外諸軍事統煩多其加

衛將軍御史大夫恩侍中與大將軍分省諸事

五年十月以衛將軍濮陽興為丞相

至皓寶鼎元年八月以鎮西大將軍陸凱為丞相

相嘗侍萬或為右丞相

三年二月以左右御史丁固孟仁為司徒司空

建衡三年詔曰武昌督范曄勲德俱茂朕所敬憑宜

登上公以副衆望以為太尉

天紀三年八月以軍師張悌為丞相牛渚都督何植

為司徒執金吾滕循為司空

宋高祖永初元年六月以相國諮議參軍王弘為侍

中錄尚書事

二年正月以尚書僕射徐羨之為尚書令揚州刺史

三年正月以尚書令徐羨之為司空錄尚書刺史如

故少帝即位初以尚書僕射傅亮為中書監尚書令司

空徐羨之領軍謝晦輔政

文帝元嘉元年八月進司空徐羨之為司徒江州刺

史王弘位司空尚書令傅亮左光祿大夫

三年正月以江州刺史王弘為司徒錄尚書事

九年三月進衛將軍王弘為太保加江州刺史檀道

濟為司空

孝武帝大明三年八月以南交州刺史沈慶之為司

空

時王僧達為中書令中失年月

前廢帝景和元年八月以始興公沈慶之為太尉

後廢帝即位初以尚書令袁粲護軍將軍褚淵共輔

朝政

元徽二年九月以袁粲為中書監領司徒褚淵為尚

書令

順帝昇明元年七月即位領軍將軍蕭道成出鎮東

城輔政

臣欽若等曰此後南齊太祖所進官爵並具閏位勳業門梁陳二祖亦同

為中書監司徒

二年二月以褚淵為中書監司空

南齊太祖建元元年正月以司空褚淵為司徒

武帝即位初以司徒褚淵錄尚書事尚書左僕射王儉為尚書令輔政

永明十一年正月以驃騎大將軍豫州刺史王敬則為司空

海陵王即位初以車騎大將軍陳顯達為司空前司空王敬則為太尉

明帝建武元年十月以司空陳顯達為太尉

東昏侯即位初內外眾事無大小委中書監徐孝嗣右僕射江祐侍中江祀衛尉卿劉暄領軍蕭坦之始

安王暹光時呼六貴皆宰相也

永元元年八月以徐孝嗣為司空

和帝中興元年十二月以征東大將軍蕭衍為大司馬錄尚書事驃騎將軍楊州刺史

梁高祖天監元年四月以相國左長史王榮為中書監

一年六月以新除左光祿大夫謝朓為司徒尚書令

九年正月以太嘗卿王亮為中書令

十一年正月以驃騎將軍王茂為司空

普通三年正月以尚書令袁昂為中書監

中大通四年正月尚書令袁昂進位司空

大通五年十二月以吳郡太守謝舉為中書監

元帝承聖三年三月以司徒王僧辯為太尉僧辯為司徒時

帝居王位護將軍郢州刺史陸法和為司徒

敬帝即位初以太尉王僧辯為中書監錄尚書事

太平元年七月以開府儀同三司侯瑱為司空

後梁宣帝即位以雍州刺史蔡大寶為侍中尚書令

明帝嗣位以尚書令蔡大寶為司空中書監郢州刺

史王操為侍中尚書令

陳高祖永定元年即位以梁州左氏尚書沈衆為中

書令

二年正月以車騎將軍侯瑱為司空時尚書左僕射王通中書令謝

哲並兼太宰史夫年月

文帝即位初以司空侯瑱為太尉以南豫州刺史侯

安都為司空以南徐州刺史徐度為侍中

廢帝即位初以中軍大將軍徐度為司空

光大元年三月以尚書左僕射沈欽為侍中尚書僕

射

宣帝大建八年二月以開府儀同三司吳明徹為司

空帝即位後章昭達為司空王厲為中書監史失年月

後主時江總為尚書令姚察沈文理為侍中史失年月

東魏孝靜帝天平元年正月即位軍國政事皆歸於

丞相高歡以開府儀同三司高盛為司徒高昂為司

空

二年三月以司徒高盛為太尉司空高昂為司徒

三年二月以司徒大行臺並州刺史高澄入輔朝政

興和元年正月以尚書令孫騰為司徒

三年十一月以度支尚書胡僧敬為司空

四年四月以尚書右僕射高隆之為司空

武定元年五月以吏部尚書侯景為司空

二年三月以開府儀同三司孫騰為大保以高澄為

大將軍領中書監

十一月以前大司馬婁昭為司徒

三年十二月以司空侯景為司徒以中書令韓軌為

司空軌為中書令史失其年月

五年五月以開府儀同三司庫狄干為太師以錄尚

書事孫騰為太傅以汾州刺史賀拔仁為太保以司

空韓軌為司徒以領軍將軍可朱渾道元為司徒

六年三月以開府儀同三司高岳為太尉

七年十月以開府儀同三司潘相樂為司空

十二年以并州刺史彭樂為司徒

八年二月以尚書令高隆之為太保

北齊文宣帝天保元年六月以太師庫狄干為太宰

司徒彭樂為太尉司空潘相樂為司徒開府儀同三

司司馬子如為司空

三年六月以前司空司馬子如為太尉

五年八月以前司空尉粲為司徒粲為司空 史失年月

八年四月以太師咸陽王斛律金為右丞相前大將

軍扶風王可朱渾道元為太傅開府儀同三司賀拔

仁為太保

九年十二月以太傅可朱渾道元為太師徒尉粲為

太尉冀州刺史段韶為司徒

廢帝即位初以右丞相斛律金為左丞相司空段韶

為司徒

武成帝即位初以太尉尉粲為太保以豐州刺史婁

敏為司空

河清元年七月以大司馬段韶為太傅以司空婁敏

為司徒以尚書令斛律金為司空

三年三月以司空斛律光為司徒

五年以前司徒婁敏為太尉以太傅段韶為太師

十二月以太師段韶為太宰以司徒斛律光為太尉
後主天統元年四月以太保賀拔仁為太師太尉侯
莫陳相為太保瀛州刺史尉粲為大尉

二年十二月以大保侯莫陳相為大傅
三年八月太上皇詔以太宰大司馬婁叡為太傅大
將軍斛律光為大保

四年三月以開府儀同三司徐顯秀為司空
五年三月以司空徐顯秀為大尉

十一月以太保斛律光為太傅大司馬
武平元年二月以太傅斛律光為右丞相

二年二月以錄尚書事趙彥深為司空

十一月以右丞相斛律光為左丞相

四年四月以開府儀同三司趙彥深為司空

六年以錄尚書事高阿那肱為司徒

十二月以司徒高阿那肱為右丞相

六年閏八月以司空趙彥深為司徒斛律光河列羅
為司空 臣欽若等按北齊書後王時和士開唐邕魏
休段孝言楊休之並為中書監毗烈長又崔
季舒張彫唐為侍
中史失其年月

梁太祖開平元年五月以唐朝宰臣張文蔚楊涉並
為門下侍郎平章事以御史大夫薛貽矩為中書侍

命相
即平章事

是月以清州節度使韓建守司徒平章事帝以建有
文武材且詳於稼穡利害軍旅之事籌度經費欲盡
詢焉恩澤特異于時罕有比者隨拜為上相賜賚甚
厚

二年四月以吏部侍郎于競為中書侍郎平章事以
翰林未旨學士張策為刑部侍郎平章事時帝在澤
州拜二相於行在

三年九月太嘗卿趙光逢為中書侍郎平章事翰林
學士奉旨工部侍郎知制誥杜曉為尚書戶部侍郎

平章事

十一月戊午御文明殿册太傅張宗奭為太保
韓建受册畢金吾仗引昇輅車儀仗導謁太廟訖赴
尚書省上

末帝即位初以御史大夫姚洎為中書侍郎平章事
貞明二年八月以太子太保致仕趙光逢為司空兼
門下侍郎平章事弘文館大學士延資庫使克諸道
鹽鐵轉運使

十月以中書侍郎兼吏部尚書同平章事敬翔為右
僕射兼門下侍郎平章事監修國史判度支以中書

冊府元龜

閏位部

卷之二百九十九

十一

侍郎同平章事鄭珏為刑部尚書平章事集賢殿大

學士判戶部

臣欽若等曰敬翔庶人友珪時為署為相鄭珏初相時史失其年月

四年四月以吏部侍郎蕭頎為中書侍郎同平章事
六年四月以尚書左丞相李琪為中書侍郎平章事

選將

夫席閭餘之數主征伐之柄曷嘗不慎擇英傑為之
將領付以師旅之重委之討襲之事因之以夷勅敵
剪通寇震揚武怒輝燿威靈而克昌於基緒而咸寧
其守宇焉若夫詩禮兼資是為義府仁賢竝用十千
善經蓋夫制中權握兵要為王者之爪士乃生民之

司命鑒明之舉善敗攸繫聞聲之思倚鑄斯在固宜
審其才致諒其誠心然後分之以注意之任責之以
維揚之効者也

秦始皇初為秦王既滅三晉走燕王而數破荊師秦
將李信者少年壯勇嘗以兵數千逐燕太子丹至於
衍水中卒破得丹始皇以為賢勇於是始皇問李信
吾欲攻取荊於將軍度用幾何人而足信曰不過用
二十萬人始皇問王翦曰非六十萬人不可始皇曰
王將軍老矣何怯也李將軍果勢壯勇其言是也隨
使李信及蒙恬將二十萬南伐荊王翦言不用因謝

病歸老於穎陽李信攻平與蒙恬攻寢今因使大破

荆軍信又攻鄢郢破之於是引兵而西與蒙恬會城

父荆人因隨之三夜不宿舍大破李信軍入兩壁殺

七都尉秦軍走始皇聞之大怒自馳如穎陽見謝王

翦曰寡人以不用將軍計李信果辱秦軍今聞荆兵

日進而西將軍雖病獨忍棄寡人乎王翦謝曰老臣

罷病悖亂唯大王更擇賢將始皇謝曰已矣將軍勿

復言王翦曰大王必不得已用臣非六十萬人不可

始皇曰唯聽將軍計耳於是王翦大破荆軍平荆地

為郡縣

先主初為漢中王遷治成都當得重將以鎮

衆論以為必在張飛飛亦以心自許先主乃拔牙門

將軍魏延為督漢中鎮遠將軍領漢中太守一軍盡

驚先主大會群臣問延曰今委卿以重任卿居之欲

云何延對曰若曹操舉天下而來請為大王拒之偏

將十萬之衆至請為大王吞之先主稱善衆咸壯其

言

張飛為車騎將軍領司隸較尉進封西鄉侯策曰朕

承天序嗣奉洪業除殘靖亂未靖厥理今寇虜作害

民被荼毒思漢之士延頸鶴望朕用怛然坐不安席

食不甘味整軍誥誓將行天罰以君忠毅侔蹤召虎
宣功遐邇故特顯命高壙進爵監司于京其誕將天
威柔服以德伐叛以刑稱朕意焉詩不云乎匪疚匪
棘王國來極肇敏戎功用錫爾祉可不勉與
馬超為驃騎將軍領涼州牧進封叅鄉侯策曰朕以
不德獲繼至尊奉承宗廟曹操父子世載其罪朕用
慘怛疾如疾首海內怨憤歸正反本暨于氏羗率服
獯鬻慕義以君信著北上威武竝昭是以委任授君
抗颺虺虎兼董萬里求民之瘼其明宣朝化懷保遠
邇肅慎賞罷以篤漢祚以對于天下

吳大帝時備將軍領尋陽呂蒙克皖遷尋陽未幾而
廬陵賊起諸將討擊不能擒大帝曰鷲鳥累百不如
一鶚復命蒙討之蒙至誅其首惡餘皆釋放復為平
民

朱據字子範大帝咨嗟少率發憤嘆息追思呂蒙張
溫以為據才兼文武可以繼之繇是拜建義校尉領
兵屯湖熟

宋高祖初譙縱叛亂自稱成都王帝以西陽太守朱
齡石為益州刺史寧朔將軍臧熹下邳太守劉鍾蘭
陵太守蒯恩等率眾二萬自江陵討縱初謀元帥僉

難其人齡石資名素淺帝違衆拔之授以麾下之半
滅熹帝后弟也位出其右又隸焉及戰克捷衆咸服
帝之知人又美齡石之善於其事

南齊太祖建元二年以柳世隆進號安南將軍是時
魏寇壽陽帝勅世隆曰歷陽城大恐不可卒治案近
斷隔之深爲保固處分百姓若不將家守城單身亦
難可委信也尋又勅曰吾更歷陽外城若有賊至卽
勒百姓守之故應勝割棄也垣崇祖旣破虜上欲罷
併二豫勅世隆曰比思江西蕭索二豫兩辨爲難議
者多云省一是一於事爲便吾謂非乃乖謬卿以爲

云何可具以聞

武帝永明二年江州蠻動勅寧朔將軍曹虎領軍戍
尋陽除游擊將軍輔國軍主

蕭景先爲征虜將軍丹陽尹永明五年羌人桓天生
引蠻虜於雍州界上司部以北人情騷動帝以景先
請究司土詔曰得雍州刺史張環啓事蠻虜相扇容
或侵軼邊蠻有壽宐時勦動可遣征虜將軍丹陽尹
景先總率步騎直指義陽可假節司州諸軍皆授節
度景先至鎮屯軍城北百姓乃安牛酒來迎軍
明帝時陳顯達爲太尉侍中時虜頡寇雍州衆軍不

捷失汚北五郡永泰元年乃遣顯達北討詔曰晉氏
 中微宋祚繼謝藩臣外叛要荒內侮天未悔禍左衽亂華巢穴
 神州遂移年載朕嗣膺景業踵武前王靜言隆替思
 寧區夏但多難南夷恩化肇洽興師擾衆非政所用
 思戢遠圖權緩北略冀戎夷知義懷我好音而凶醜
 剽狡專事侵掠驅扇異類而蟻聚西偏乘彼自來之
 資撫其天亡之會軍無再駕民不重勞傳檄以定三
 秦一鹿而平禹跡在此舉矣且中原士庶久望皇威
 乞師請援結軌馳道信不可失時豈終朝宜分命方
 嶽因茲大號侍中顯達可暫輟槐陰指授羣率中外

加顯達使節向襄陽

梁高祖天監四年冬十月丙午北伐以中軍將軍湯

州刺史臨川王宏都督北討諸軍事尚書右僕射

談為副

普通二年秋七月丁酉假大匡卿裴邃節督衆軍北

討

五年六月庚子以員外散騎嘗侍元樹為平北將軍
 北齊兗二州刺史率衆北伐

六年春正月詔曰廟謨以定王略方舉侍中領軍將
 軍西昌侯藻可便親戎以前啓行鎮北將軍南兖州

刺史豫章王綜董馭雄傑風馳電邁其餘衆軍計日
差遣初中後師善得嚴辦朕當六軍雲動飛舟濟江
五月壬子遣中護軍夏侯肅督壽陽諸軍北伐

大通元年十二月乙卯以中護軍蕭深藻爲北討都
督征伐大將軍鎮渦陽

中大通六年冬十月丁卯以信武將軍元慶和爲鎮
北將軍率衆北伐

孝元帝承聖二年十一月遣豫州刺史侯瑱據東關
壘徵吳興太守裴之橫師衆繼之

王僧辯爲車騎大將軍在揚州西魏相宇文泰遣兵

及岳陽王衆合五萬將襲江陵元帝遣主書李膺以

僧辯於建業爲大都督荊州刺史別勅僧辯云泰嘗

盟忽便舉斧國家猛將多在下流荆岐之衆悉非勁

勇公宐率衆貔虎星言就路倍道兼行赴倒懸也僧

辯因命豫州刺史侯瑱等爲前軍兗州刺史杜僧明

等爲後軍處分旣畢乃謂膺云泰兵驍猛難與爭銳

衆軍若集吾便直指漢江截其後路凡千里糧糧尚

有飢色况賊越數千里者乎此孫臏克龐涓時也

陳宣帝時朝議北伐帝謂左僕射徐陵曰朕意已決

卿可舉元帥衆議咸以中權將軍淳于量位重共著

推之凌獨曰不然吳明徹家在淮左悉彼風俗將略
人才當今亦無過者於是爭論累日不能決都官尚
書裴忌曰臣同徐僕射凌應聲曰非但明徹良將裴
忌郎良副也是日詔明徹爲大都督令忌監軍事遂
克淮南數十州之地

北齊文襄時高岳討侯景朱克文襄欲遣潘相樂副
散騎嘗侍陳元康曰相樂緩於機變不如慕容紹宗
且先王有命稱其堪敵侯景公但推赤心於此人則
侯景不足憂也是時紹宗在遠帝欲召見之恐其驚
叛元康曰紹宗知元康特蒙有待新使人來餉金以

致其誠款元康欲安其意故受之而厚答其書保無
異也帝乃任紹宗遂以破景

梁太祖開平元年八月以潞州軍前屯帥旅璧壘未
收乃別議戎師於是以亳州刺史李思安克潞州行
營都統

五年正月詔曰徵陝州鎮國軍節度使揚師厚至京
見于崇勳殿帝指授方略依前克北兩都招討使恩
賚甚厚使督軍進發

